

石湖詩集
范石湖詩集
志道集注集



范
石
湖
詩
集
注

沈欽韓
注

中
華
書
局

Int 40 / 0102 ✓

范石湖詩集注卷上

吳 沈欽韓 文起

卷一

不寐

來夢乃其職 大業拾遺錄煬帝命宮娥韓俊娥爲來夢兒

續長恨歌七首

白鳳詔書來已暮 此暗用白鳳銜書諭楊太真事見瀟湘錄

領巾猶有隔生香 西陽雜俎天寶末交趾貢龍腦時風
吹貴妃領巾於賀懷智巾上良久方落賀懷智歸覺滿
身香氣非常乃卸幙頭貯於錦囊中及上皇復宮闕追
思貴妃不已懷智乃進所貯幙頭具奏他日事上皇發
囊泣曰此瑞龍腦香也

已被仙官聖得知 昌黎集盆池詩云泥盆淺小詎成池
夜半蛙聲聖得知此聖得知最初見之本也

百年只有雲容姊 張雲容事見太平廣記六十九

雷雨鄰舍起龍

不知挂壁幾梭飛 晉書陶侃傳

嘲里人新婚

篋細寫歸舟字 逸史盧生引李生入北亭命酌日兼
與公求得佐酒者頗善篋篋須臾紅燭引一女子至容
色極豔李生視篋篋上有朱字一行云天際識歸舟雲
中辨江樹罷酒二舅曰莫願此人作婚姻否李生曰某
安敢其年往汴州行軍陸長源以女嫁之既婚頗類盧
二舅北亭子所覩者復解篋篋果有朱書天際兩句李
生具說揚州城南盧二舅亭中筵宴事妻曰乍夢見使

者云仙官追一一如公所言也

過松江

劒頭吹一呖 莊子則陽篇夫吹筦也猶有嗃也吹劒首者呖而已司馬云呖然如風過

長安閘 方輿紀要長安鎮在杭州府海甯縣西北二十五里宋運道所經

兩木

當有四老人 橋中叟事見玄怪錄太平廣記卷四十引道中 此題脫字

初夏二首

不見餘春只麼回 傳燈錄證道歌不可得中只麼得
與時敘現老納涼池上時敘誦新詞甚工

頃步便得之 頃當作頤見荀子勸學篇楊倞注半步曰
頤與跬同

潘郎忽鼎來談詩解人頤 此鼎字用顏師古臆說盲方
來也

南徐道中 輿地紀勝鎮江府晉元帝渡江於京口僑置
徐兗二州宋文帝以南徐州治京口南兗州治廣陵

卷二

曉行

石頭岡下小車聲 輿地紀勝石子岡寰宇記云在江甯

縣南十五里

秦淮 秦始皇所開故曰秦淮在江甯府上元縣治東南

三里

石頭終日見方山 明一統志方山在應天府東南四十
五里形如方印一名天印山秦鑿金陵山疏淮水此其
斷處也

重九獨登賞心亭 輿地紀勝賞心亭在江甯縣西下水

門城上丁謂建江南通志宋景定元年馬光祖重建改
曰東南佳麗樓

荆公墓 一統志王安石墓在上元縣半山寺後

白鷺亭 明一統志白鷺亭在賞心亭側下瞰白鷺洲宋
馬光祖重建

臙脂井三首 一統志景陽井在臺城內一名臙脂井通
志在上元縣景陽樓下

腰支旅拒更神游 旅距字見後漢書馬援傳又莊子列

禦寇篇一命而呂鉅釋文呂鉅矯貌

三十六書都莫恨 大業拾遺錄煬帝夢見陳後主語云
三十六封書使人恨恨前人莫解何謂蓋隋兵渡江警
書爲張貴妃所沈閣者

秦淮

雨工變故棲

異聞集柳毅置書囊中復問婦人曰吾不

知子之牧羊何所用女曰非羊也雨工也雷霆之類

次韻唐子光教授河豚

政和本艸鯢魚肝及子有大毒

一名鰮夷魚以物觸之卽噉腹如氣球亦名噉魚腹白

背有赤道如印魚目得合與諸魚不同江海中並有之
海中毒大毒江中毒次之按此卽河豚也然政和又並
出鰐鰩魚之有毒不可食其肝殺人緣腹中無膽頭中
無腮故知害人鰐卽鰩聲之轉其實一物而複出也酉
陽雜俎鰐鰩魚肝與子俱毒食此魚必食艾艾能已其
毒曰華子胡夷魚有毒以蘆根及橄欖等解之
姑惡 政和本艸姑獲能收人魂魄今人一云乳母鳥言
產婦死變化作之此則妖鳥疑非詩所指蓋卽布穀鳥
吳音不審訛爲姑惡爾

秋日雜興六首

麥戶勸之起 莊子知北游麥戶而入司馬云開也

卷三

暮春上塘道中 方輿紀要上塘河在杭州府城東自永昌門外至艮山門又東北經臨平鎮東達海甯縣之長安壩

獨游虎跑泉小庵 輿地紀勝虎跑泉在臨安府廣福金書院二虎跑地泉水湧出

緘口翁

此翁身如鄭文淵 鄭泉字文淵見吳志孫權傳

癸亥日泊舟吳會亭 輿地紀勝世多稱吳門爲吳會意
謂吳爲東南一都會也吳本秦會稽郡後漢分爲吳會
稽二郡後世指二浙之地通稱吳會謂吳與會稽也
時敘火後意不釋然作詩解之

舞馬竟與融風俱 昭十八年傳是爲融風火之始也
題湯致遠運使所藏隆師四圖 揮塵三錄湯致遠名鵬
舉嘗守婺州帥長沙又移帥浙東

題開元天寶遺事四首

御前羯鼓透春空 南卓羯鼓錄汝陽王璣甯王子也常
戴砑絹帽打曲上自摘紅槿花一朶置于帽簷奏舞山
香一曲而花不墜落上大喜曰花奴姿質明瑩肌髮光
細非人間人必神仙謫墮也甯王謙讓隨而短斥之上
笑曰大哥不須過慮阿瞞自是相師花奴但端秀過人
無帝王之相固無猜也又高力士遣取羯鼓上臨軒縱
擊一曲曲名春光好及顧柳杏皆已發坼上笑謂嬪御
曰此一事不喚我作天公可乎
不賞纏頭三百萬阿姨何處費金錢 樂史楊太真外傳

新豐初進女伶謝阿蠻善舞秦國夫人端坐觀之曲罷
上戲曰阿瞞樂籍今日幸得供養夫人請一纏頭秦國
曰豈有大唐天子阿姨無錢用耶遂出三百萬爲一局
焉

阿瞞虛讀相書來 柳氏舊聞云安祿山來朝上於殿西
張金雞幃賜坐肅宗曰天子殿無人臣坐禮上曰此胡
有奇相吾以此厭弭之爾

宮中亦有風流陣 開元天寶遺事明皇與貴妃每至酒
酣使妃子統宮妓百餘人帝統小中貫百餘人排兩陣

於掖庭中目爲風流陣

讀甘露遺事二首

上林輦路草青青誰向憑高識聖情
唐詩紀事甘露事後帝不樂往往瞠目獨語賦詩曰輦路生春草上林花滿枝憑高無限意無復侍臣知

放鶴亭 輿地紀勝放鶴亭在吳縣天峰寺之南峰晉高僧支遁嘗居此有石室及支硎山

馬跡石 在吳縣西報恩山

卷四

歲旱邑人禱弟五羅漢得雨樂先生有詩次韻 東坡集

禪月所畫十八大阿羅漢贊弟五諸炬羅尊者

烏戍密印寺 輿地紀勝密印寺在烏鎮普靜寺側梁昭明太子之館也沈約展墓昭明太子館于此約捨墓地爲寺昭明以此館別爲一寺

題張氏新亭

煩將鍊火炊香飯 康駢劇談錄乾符中有李使君出牧罷歸居在洛陽深威一貴家舊恩欲召諸子從容諸子曰凡以炭炊饌先煖令熟謂之鍊炭方可入爨不然猶